

# Txirritola

ARAMAIO / Barikua / 2002ko maiatzaren 31 / 29. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goienà.com

## Gai askotariko zerrenda luzea landu zuten osoko bilkuran

UBANE MADERA

Eguaztenean, maiatzari dagokion osoko bilkura egin zuten udalbatzarrak. Besteak beste, Manex Agirre zoriontzea, udalbarrutiko ganadu aprobetxamenduaren araudia, Eudelen mozioa eta Batasunak aurkeztu dituen beste bi mozio aztertu eta erabaki zituzten zinegotziek.

Gai zerrenda luzea eta orotarikoa izan dute zinegotziek hil honetako osoko bilkuran. Hasierako puntuen artean, Arabako Bertsolari Txapelketan egindako lanagatik Manex Agirre zoriontzeke proposamena aztertu zuten; baita, Aramaioko bideoa egitea ere. Azken hori onartuz gero, orain hasiko dira herriaren gaineko irudiak hartzen, eta datorren urtean argitaratuko dute.

Horrekin batera, udalerriko ganadu aprobetxamenduak arautzeko ordenantza ere izan zuten berbagai. Izenak esaten duen moduan, ganaduekin lotutako nondik norako guztiak (errola, azpiegiturak, artzaintza garaia...) arautzea da horren helburua. Bestalde, kiroldegiaren erabilera araudia erabakitzeko proposamena ere egin zioten udalbatzarrari; hau da, kiroldegiko kantxan zozketa, ordutegia, eta abarrekoak zehaztea.

Eta bileraren bukaera aldera, besteak beste, hiru mozio eztabaidatu zituzten. Batetik, eta Batasunaren ilegalizazioa dela-eta, Batasuneko udal taldeak hori salatzen aurkeztutakoa. EAJk mozio alternatiboa aurkeztu zion horri. Bestetik, torturaren eta atxilotuen eskubideen urraketa salatzen zuen beste mozio bat aurkeztu zuen Batasunak. Eta, bukatzeko, EAJk eta EAK Eudelen onartutako mozioa aurkeztu zuten, "demokrazia eta askatasuna defendatzeko eta euskal gizartearen aniztasuna errespetatzeko adierazpen zibikoa".

Edozelan ere, albiste hau idaztean oraindik bilkura bukatu barik zegoen, hortaz, ez dugu jakiterik zinegotziek zein erabaki hartu dituzten.



UBANE MADERA

Herriko ganadu aprobetxamendua arautzeko ordenantza.



## Maiatzeko Plazako Amak Aramaion

Zapatuan, Argentinako Maiatzeko Plazako Amen ordezkariak Aramaion izan ziren, Iturrieta sagardotegian. Etxerat elkarteko zenbait kiderekin bazkaria izan zuten; senideak preso, ihesean edo erbestean izateak dakarren sufrimenduak elkar-tu zituen Maiatzeko Plazako Amak eta Etxerateko kideak. Bi elkarteotako kideek eskubidetzat jotzen dute euren senideak maitatu, laztandu eta haien alde borrokatzea. Torturen eta sakanaketek segitzen duten bitartean, Euskal Herrian demokraziarik ez dagoela nabarmendu zuen Hebe de Bonafinik.

## ATREBENTZIAEZPADA / Zer gustatuko litzaizuke herriko jaietarako?



**NAGORE MUÑOZ**  
Ikaslea

Gustatuko litzaizuke jaietan Alaitz eta Mainer etortzea eta barrakaren bat. Bestela, uste dut jaiak apur bat motzak direla, baina, gustatzen zaizkit.



**BEA AZURMENDI**  
Ikaslea

Gustatuko litzaizuke umeendako jokoak (parkean jolasteko), eta kaleko saltokiak egotea. Niri gehien gauean ibiltzea gustatzen zait.



**ESTEBAN NÚÑEZ**  
Ikaslea

Futboleko jokatzea eta barrakak egotea gustatuko litzaizuke, egietako barrakak. Jaiak gustatzen zaizkit, batez ere, futbola.



**IKER AGIRRE**  
Ikaslea

Kontzertuak, punk kontzertuak gurako nituzke; oraingoak modukoak, baina hobeak. Bestela ondo daude jaiak, giro ona egoten da.



**AITOR ABARRATEGI**  
Langilea

Plater tiroketa egoten da eta hori gustatzen zait. Bestela ondo daude jaiak, ez nuke egun gehiagorik gehituko, lau egun nahikoa eta sobera dira.

## LABUR

### Rayo Aldeano Zaldibarko finalera iritsi da berrito

Bigarren urtez, Aramaioko Rayo Aldeano areto futbol taldea Zaldibarko Txapelketako finalera iritsi da. Hain zuzen ere, bihar, zapatua, jokatuko dute finala, Azkena You Know talde arrasatearraren kontra. Arratsaldeko bostetan izango da partidua, jakina, Zaldibarran. Iaz, Chapime Dribling taldearen kontra jokatu zuten finala eta garaile atera ziren. Eta Aitor Jauregi Rayo Aldeanoko jokalaririk kontaktatu digunez, aurrean ere gauza bera egitea espero dute.



**TELEFONO JAKINGARRIAK**

**OSASUNA/ LARRIALDIAK**

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Erzaizte (Arrasate)	943 79 71 99
Gurutze Górria (Legutio)	945 45 52 52
Taxia eta autobusak	945 44 50 04
San Martin Eskola	945 44 50 33
Udal kiroldegia	945 44 53 35
Postetxea	945 44 50 83
Zulako Eskualdea	945 43 01 67
Suhiltzaileak (Zubillaga)	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
12:00	12:15	13:00
15:20	15:35	16:20
20:30	20:45	

GASTEIZ	ARAMAIO	ARRASATE
08:30	09:15	09:30
13:10	13:50	14:05
	17:00	17:15
19:30	20:15	20:30

**OHARRAK**

**BIHAR, TELLAMENDIRA**

Tellamendiko gurutzea txukuntzera joango dira bihar makina bat herritar. Esan genuen moduan, eta Orixol mendi taldeak egindako deiari kasu eginez, auzolan horren helburua da uztailean egingo duten jairako gurutzea berri-berri ipintzea. Irteera 08:30ean izango da, hortaz, laguntzera joateko interesa duena oraindik garaiz dabil, plazan agertzea besterik ez du. Aramaioko Udalak ordainduko du gurutzea berritzeko behar den materiala, eta baita, laguntzera doazenen bazkaria ere.

**ZUBEROARAKO TXANGOIA**

Gogoratu herriko tabernetan ipinita daudela Zuberoara joateko izena emateko zerrendak. 53 lagunendako lekua dago, hortaz, interesatuek lehenbailehen eman beharko dute izena. Bidaia datorren ekainaren 15ean izango da. Baina, bihar, zapatua, hiru bat aramaioar Zuberoara joango dira txangoa preparatzea; Mauleko Udalbiltzako ordezkariarekin izango dira horretarako.

**EUSKAL ESKOLEN JAIA**


Domekan, ekainaren 2an, euskal herri eskolen aldeko jai ospatuko dute Agurainen. *Mugak gaudituz euskara handitu* da aurten-go leloa, eta parte hartzaileek lau festa-guneko ibilaldia izango dute aukeran: Santa Maria plaza, alde zaharra, ikastetxe kirolgunea eta Aniturri Kiroldegia. 11:00etan hasiko da festa. Hortxe dago, beraz, hitzordua.

**GIZARTEA**

**Artium museoaren autobusa Aramaiora etorriko da**

Datorren ekainaren 9an, domeka, zabaldu berri den Artium museoaren autobusa etorriko da Aramaiora. Bizente Goikoetxea plazan izango da, goizean, 12:00etatik 14:00etara, eta arratsaldean, 17:00etatik 20:00etara. Interesa deun edozeinek bisitatu dezake autobusa. ekimen horren helburua da museoaren edukiaren berri ematea. Zelanbait, ikasgela mugikorraren eginkizuna beteko du. Arduradunek adierazi digutenaren arabera, hezitzaile bat, bi ordenadore eta pantaila handi bat ditu, besteak beste, autobus horrek. Museoaren gaineko bideo bat ikusi ahal izango da, eta gainera, museoari bisita birtuala egiteko aukera ere ematen du autobusak.

Horrez gain, autobusa eskoletara ekartzeko aukera ere bada. Kasu horretan, bisitak ikasgelen arabera banatzen dira eta posible da irakasleek eskatutakoaren gainean berba egitea.



**HERRIKO AUZOETAN**

**ETXAGUEN**

1406ko dokumentuan ez da aipatzen elizate horretako bizilagunik. Aldiz, 1489 Ibarrek Juan Alonso de Mujikaren kontra zuen apaian lekuko izan zirenen artean Martin Echagüen izeneko bat azaltzen da, baita Urrutia batzuk ere, nahiz eta azken horiek izen bereko edozein bi baserrietakoa izan zitezkeen.

Hurrengo mendearen hasieran, berriz, datu gehiago daude; eta datuei esker dakigunaren arabera, ordurako elizatea ondo sendotuta zegoen. Horrek esan gura du, seguruenik urte dezentetik aurretik esistitzen zela auzoa. Posibel da Gantzaga, Oleta eta Etxaguenekin batera Ibarrek elizaterik gazteenak izan. Baina, horrela izanda ere, ez dira XIV. mendea baino beranduagoak. Elizate horietako baserrien gaineko informazio gutxi eskuratu dugu. Gehinen gainean bakarrik bere izena eta garai jakin batean esistitu zela dakigu. Beste batzuei buruz apur bat gehiago. Horien artean, ezagunena Urribarren baserria da.

“Aramaioko ibarraren lehe-  
na eta oraina”.

Jesus Maria Elejalde  
Plazaola

**BOTE PRONTOAN/ Xabier Nafarrate · Araba Euskaraz festaren batzordeen koordinatzailea**

*“Uste dut Araban, azken urteotan, aldatzen ari dela jendeak duen euskararekiko jarrera”*


Xabier Nafarrate aramaiora da, baina, azken 20 urteotan Otxandion bizi da. Gasteizko publizitate enpresa baten egiten du lan eta aurten Araba Euskaraz festaren antolaketan dihardu. Batzordeen koordinatzailea da. Hori aprobetxatu eta festa horri buruz galdetu diogu:

**Noiz hasten da horrelako festa bat antolatzen?**

Armentia Ikastolak non egin erabaki zuenetik urtebete baino gehiago pasa da. Antolaketa lanetan, berriz, aurreko Araba Euskaraz bukatu eta berehala hasi ginen. Eta, apur bat gogorrago, orain dela bederatzihilabete-edo, irailetik hona.

**Zela erabakitzen da non egin?**

Urtero, Ikastolen Elkarteko ikastola bati dagokio. Ikastolen Elkartek erabakitzen du zeini. Armentia Ikastolak antolatzen duen hirugarren aldia da hau; lehenengoa duela ia zazpi bat urte Armentian egin zen; duela lau urte, erabaki zen eskualdeko lautada inguruko tokiren batera ateratzea eta Araian egin zen; eta aurtengoan ere erabaki zen gure inguru hurbiletatik ateratzea, eta horrela erabaki zen Zigoitiako udalerrian izatea. Hiru gunek kokatuta dauden herria, berriz,



Ondategi da.

**Zein ezaugarri izango du?**

Festaren eskema klasikoa da: bost bat kilometrotako ibilbide bat eta hiru festa-gune. Ibilbidearen ezaugarria da inguru naturala dela erabat. Gehiena basoan eta soro artean da, Gorbeia magalean. Bi gune ere horrela egongo dira, eta alde horretatik ere antolaketatik ahalegin berezia egin da inguru zaintzeko eta garbitzeko, hortaz, bisitariei ere gauza bera eskatu gura diegu.

**Hiru festa-gune...**

Bai, lehenengo gunea Angelu izeneko da. Horko egitaraua izpiritu gaztea duen jendeari zuzendutakoa izango da. Besteak beste, bertsolariak izango dira 13:30ean, eta Manex Agirre arituko da. Bigarren gunea Bengolarrako parkean dago, herrian bertan. Herri

kirolak izango dira (Urrezko Aizkoraren errebantxa, besteak beste), baita, dantzari eta bestelakoak ere. Eta hirugarren gunea Sarragoakoa da. Hortxe izango da, adibidez, hasiera ekitaldia 10:00etatik aurrera.

**Zein erantzun espero duzue?**

Araba Euskarazek ez du mugitzen Ibilaldiak, Nafarroa Oinezek edo Kilometroek mugitzen duen jende kopuru bera. Antolaketa ere desberdina da, Ikastolak 300 bazkide bakarrik ditu. Aurreikuspenak (aparkalekuak, txosnak...) 40.000 lagunendakoak dira.

**Zein egoeratan dago euskara Araban?**

Matrikulazioan ikusten da B eta D ereduak nagusi direla irakaskuntzan. Eta, horrelako ekitaldiek (Araba Euskaraz) giroa hobetzen laguntzen dute. Gainera, era guztietako jendeak parte hartzen du horrelakoetan. Uste dut, Araban, azken urteotan, aldatzen ari dela euskararekiko jarrera.

**Eta Aramaion noiz?**

Aramaioren herri eskola dago, hortaz... Jendea zer esango zenioke? Animatzeko eta etortzeko, guretako oso garrantzitsua da euren laguntza. Eta, autobidea erabiltzeko, ez bide txikiak.

*“Araba Euskaraz aurreikuspenak 40.000 lagunendakoak dira”*

*“Jendea esango nioke animatzeko eta etortzeko, guretako oso garrantzitsua da”*